

AM/10/14.

41-61

B.

K44/14

1/2

0-1b

KHOSI SINTHUMULE.

Written by: Isaac Mulaudzi.

Madzivha O xa hothe. Khosi Sinthumule Makhado Ramabulana, ri a mu divha, na mishumo yawe ri a i divha, ngauri o vha e muthu wa vhulenda a funaho vhatu vhothe, vhatshena na vharema. Na hone vho vha vho khetha ene shangoni la Venda, uri a vhe mulamuleli wa Venda na vhuagende o vha e ene a imelaho. Hafhu na kha zwa pfunzo o vha a tshi i funesa, na muqini wawe ho vha hu na kereke, ngauri o vha o funzwa nga Rev. Gottschling munna wa maanda u funza. Na ene Khosi Sinthumule a tshi zwi funesa zwa ro mu kondela, nga vuhosi ha tou sala zwiuku, u rembuluwa tshothe ndi tshone tsho vha kundisaho u rembuluwa nga vuhosi. Naho hu ngauralo a vhungo neta vho di kondelela na hone vho vha vhe muhota nga miwaha. Vha tshi di dzula nga biso naho vha tshi tshimbila vha di tshimbila vhe nazwo, vha di fariswa nga hanga (Dokotela).

Ha ri nahwaha biso la hulela, vha ya hangani, a di farisanyana vha nga khwine, vha vhuya vha ya tshivhidzoni tsha mahosi Bulugwane.

Musi vha tshi vhuya henengei zwa dovha zwa vuwa vha vhuulela nangani, zwa hulela vha vhidza mashaka avho othe na khaladziavho a tshi onesana navho, na malume avho Khangale Madzivhandila, a tshi swika vha khadana zwanza vha ri, "Ndi inwi malume-anga".

A ri, "Ndi npe".

Vha ri, "Ndi a takala. Vho da, npe ndi a tuwa".

Malume a ri, "Nga mini".

Vha ri, "Ndi a lwala".

Vha ri, "Hufha vha takala".

Vha ri, "Hai, a thongo takala. Mbidzeleni vha hanga, vhothe vho-George Mphephu Ramabulana na Kutame, Malise na vhauku vhothe na vhakwasha".

Vha kuvhangana, vha ri, "Vhatukana nga vha bwise £2.10., vha nee Dokotela, ndi tshimbile zwavhuḑi. Arali ndi tshi ḑuwa ni mbulunga nga bogisi; ni songo mbulunga nga mukumba, mukumba ni ite wa u adzela bogisi. Na hone nḑe a thi ili, vhoḑhe vha ḑe tshaloni tshanga, zwinzhi vhatendi na vhafunzi vhanganga vho-Giesekke. A hu ili tshaloni tshanga, nḑe ndi ni vulela nḑila uri zwa kale zwo fhela, na tombo ḑa tshifhambano ḑi hone", vho ḑi lugisa vha tshee vho takala.

Malume a vho/vhudzisa vha ri, "Tombo ndi ḑa mini ili, vha ri ndi ḑa tshalo tshanga".

Malume a ri, "Vha itelani". Vhe ri, "Hufha ndi tshi ḑo fa, ndi funa u ḑi-lugisela ndi tsha ḑi tshila, musi ndo fa ndi ḑo lugiselwa nga nnyi?"

A vho ngo vha na nyofho ya vha nḑa ndi ngauri vho vha mutendi, na u fara nḑila ya Tshikhuwa, musi vho fhedza u u onesana na vha havho, vha mbo ḑi dzama.

END